
ՊԱՐՍԱՆ ԱՔԵՄԵՆՅԱՆ ՊԱՐՍԿԱՍՏԱՆԻ ՎԱՐՉԱԿԱՆ ՀԱՄԱԿԱՐԳՈՒՄ

ՀՈՎՀԱՆՆԵՍ ԽՈՐԻԿՅԱՆ

Հին պարսկական Պարսան (հայկական աղբյուրներում նաև՝ Պարսք), որից ծագում է հունարեն Պերսիսը¹, Աքեմենյան արքայատոհմի բնօրրանն էր: Մ. թ. ա. II–I հազարամյակների սահմանագծին պարսկական ցեղերն աստիճանաբար բնակություն են հաստատում բնիկ էլամական տարածքներում: Մասնագիտական գրականության մեջ Աքեմենյանների նախնիների՝ Աքեմենի և Չիշպիշի նստավայրը համարվել է Մուգա քաղաքից 100 կմ դեպի հյուսիս-արևելք գտնվող Մասջիդ-ի Մուլեյմանե հնավայրը², սակայն հայտնի հնագետ Դ. Ստրոնախի կարծիքով՝ Մասջիդ-ի Մուլեյմանեն թվագրվում է մ. թ. ա. V դար– մ. թ. II դարի կեսերի միջև ընկած ժամանակաշրջանով³: Ներկայումս ընդունելի է այն տեսակետը, որ Մասջիդ-ի Մուլեյմանեի հուշարձանը տաճարային համալիր է և վերագրվում է վաղ սելևկյան դարաշրջանին⁴:

Աքեմենյան թագավորներից առաջինը, որը հիշատակվում է Պարսումաշի (Պարսումաշի)⁵, այսինքն՝ Պարսայի թագավոր, Կյուրոս Ա-ն⁶ է: Իսկ Կյուրոս Բ-ն

¹ L. Llewellyn-Jones. The Achaemenid Empire.– King of the Seven Climes. A History of the Ancient Iranian World (3000 BCE - 651 CE), ed. by Touraj Daryaee, Ancient Iran Series, vol. IV, Jordan Center for Persian Studies, 2017, p. 65.

² R. Ghirshman. Masjid-i-Solaiman, résidence des premiers Achéménides.– “Syria”, vol. 27, 1950, p. 205–220; Ն ո լ յ ն ի՝ La civilisation achéménide et l’Urartu, A Locust’s Leg. Studies in honour of S. H. Taqizadeh. London, 1962, pp. 85–88.

³ D. Stronach. Achaemenid Village I at Susa and the Persian Migration to Fars.– “Iraq”, vol. 36, № 1/2, 1974, pp. 239–248.

⁴ М. А. Дандамаев. Политическая история Ахеменидской державы. М., 1985, с. 6.

⁵ Ասսուրական և ուրարտական աղբյուրներում հիշատակվող Պարսումաի տեղադրության տարբեր տեսակետների մասին մանրամասն տե՛ս Ե. Грантовский. Ранняя история иранских племен Передней Азии. М., 1970, с. 134 и сл. Նշենք նաև, որ Պարսա երկիրը չի հիշատակվում Ավեստայում (տե՛ս Ի. М. Оранский. Введение в иранскую филологию. М., 1960, с. 60; F. Grenet. Zarathustra’s Time and Homeland: Geographical Perspectives.– The Wiley Blackwell Companion to Zoroastrianism, ed. By M. Stausberg, Y. Sohrab-Dinshaw Vevaina, Chichester, UK, 2015, pp. 21–29):

⁶ E. F. Weidner. Die älteste Nachricht über das persische Königshaus. Kyros I. ein Zeitgenosse Aššurbânâplis. – “Archiv für Orientforschung”, Bd. 7, 1931–1932, SS. 1–7.

«Բաբելոնյան գլանում» Անշանը հիշատակում է որպես իր տոհմի քաղաքը՝ մասնագիտական գրականության մեջ համարվելով, այսպես կոչված, Անշանյան կայսրության հիմնադիրը⁸: Է. Հերցֆելդը վաղուց է նկատել, որ Անշանը և Պարսումաշը նույն երկիրն են⁹: Այդուհանդերձ, ուսումնասիրողների մեծ մասն Անշանը և Պարսան չեն նույնացնում՝ հենվելով Մինախիսերիբի տեղեկությունների վրա, որտեղ երկու երկրները հիշատակվում են առանձին-առանձին¹⁰:

Հնագիտական պեղումների շնորհիվ պարզվել է Անշանի տեղադրությունը. վերջինս գտնվել է Շիրազից 46 կմ դեպի հյուսիս՝ Թալ-ե Մայյանի տարածքում: Այստեղ վաղ իսլամական շրջանում հայտնի էր *Āsh* քաղաքը, որը պահպանել էր Անշան անունը¹¹: Աքեմենյան դարաշրջանում այս տարածքը հայտնի էր Պարսա անվանումով, հետևաբար, Անշանը և Պարսան միևնույն երկրի տարբեր անվանումներն են, այսինքն՝ գոնե մ. թ. ա. VII դարի կեսից Անշանը հնագույն երկրի արխաիկ անվանումն էր¹²: Նշենք նաև, որ Պարսումաշն ու Անշանը մասնագիտական գրականության մեջ համարվել են տարբեր երկրներ, որոնք գտնվել են քաղաքական ընդհանուր իշխանության տակ¹³: Անշանը գտնվել է ներկայիս Ֆարսի տարածքում՝

⁷ W. Eilers. Der Keilschrifttext des Kyros-Zylinders. – “Festgabe deutscher Iranisten zur 2500 Jahrfeier Irans”. Stuttgart, 1971, S. 156–166.

⁸ D. T. Potts. Cyrus the Great and the Kingdom of Anshan.– Birth of the Persian Empire, vol. I, ed. by V. S. Curtis and S. Stewart, London-New York, I. B. Tauris & Co Ltd, 2005, pp. 7–28.

⁹ E. Herzfeld. Archaeological History of Iran. London, 1935, p. 26; *Նույնի*՝ Iran in the Ancient East. London, New York, Oxford University Press, 1941, p. 181; *Նույնի*՝ The Persian Empire. Studies in Geography and Ethnography of the Ancient Near East. Wiesbaden, 1968, p. 170. Հմմտ. A. T. Olmstead. History of the Persian Empire. Chicago, 1960, p. 34; M. Waters. Parsumaš, Anšan, and Cyrus.– Elam and Persia, ed. by J. Álvarez-Mon and M. B. Garrison, Winona Lake, Indiana, Eisenbrauns, 2011, pp. 285–296; M. A. Дандамаев. *Նշվ. աշխ., էջ 7*: Է. Գրանտովսկին հավանական էր համարում, որ ուշ ժամանակաշրջանում են նույնացվել (տե՛ս Э. Грантовский. *Նշվ. աշխ., էջ 144*):

¹⁰ A. K. Grayson, J. Novotny. The Royal Inscriptions of Sennacherib. King of Assyria (704–681 BC), Part 1, Winona Lake, Indiana, Eisenbrauns, 2012, № 22, p. 182, № 23, p. 199, № 34, p. 223, № 35, p. 231; Part 2, 2014, № 144, p. 194, № 146, p. 198, № 230, p. 335; Young T. Jr. Cuyler. The Iranian Migration into the Zagros.– “Iran. Journal of the British Institute of Persian Studies”, vol. 5, 1967, p. 19.

¹¹ J. Hansman. Anshan in the Median and Achaemenian Periods.– “The Cambridge History of Iran”, vol. 2, ed. by I. Gershevitch, Cambridge, 1985, pp. 25, 34.

¹² M. A. Дандамаев. *Նշվ. աշխ., էջ 7*: Հմմտ. J. Hansman. Anshan in the Median and Achaemenian Periods, p. 33.

¹³ J. Hansman. Elamites, Achaemenians and Anshan.– “Iran”, The British Institute of Persian Studies, vol. 10, 1972, pp. 108–109; E. Reiner. The Location of Anšan.– “Revue d’Assyriologie”, 1973, pp. 57–62. Հմմտ. M. M. Дьяконов. Очерк истории древнего Ирана. М., 1961, с. 66–67.

Բայդայի շրջանում¹⁴: Աքեմենյաններն այստեղ հայտնվել են ավելի ուշ¹⁵: Համեմատության համար նշենք, որ նույն արխաիզմով պայմանավորված՝ Աքեմենյան դարաշրջանի բարելոնական տեքստերում Հայաստանը կոչվում էր Ուրաշտու, իսկ հին պարսկական արձանագրություններում՝ Արմինա: Բեհիսթունի արձանագրությունում հիշատակվում է Յադայա երկիրը, որը նույն արձանագրության էլամերեն, աքքադերեն, արամեերեն տեքստերում համապատասխանում է Անշանին¹⁶: Սա նշանակում է, որ Յադայան գտնվում էր Պասարգադայի և Պերսեպոլիսի շրջաններից դուրս, ամենայն հավանականությամբ, Պարսայի արևմտյան հատվածում: Անշանի ու Պարսայի նույնացման պարագայում ժխտվում է նաև նշված երկրներում Աքեմենյանների երկու ճյուղերի գուգահեռ կառավարման վերաբերյալ տեսակետը¹⁷:

Հարկավ, Անշանի ու Պարսայի նույնացման օգտին կարող են խոսել նաև անտիկ աղբյուրները: Այսպես, բարելոնական ժամանակագրության մեջ նշվում է, որ Կյուրոս Բ-ն Եկբատանյան գրավելուց հետո հարուստ ավարը տանում է Անշան¹⁸, այն դեպքում, երբ հույն պատմիչ Կտեսիասը գրում է, որ տարվում է Պասարգադա¹⁹, այսինքն՝ վերջինս համարժեք է Պարսային: Բարելոնացի պատմիչ Բերոսոսը նույնպես հայտնում է, որ Կյուրոս Բ-ն Բարելոն է գալիս Պարսայից²⁰: Հետևաբար, Անշան անվան հիշատակումը բարելոնական գրականության ավանդույթներով պայմանավորված անաքրոնիզմ է: Կյուրոս Մեծից հետո Աքեմենյան հաջորդ թագավորներն այլևս իրենց չեն հիշատակում որպես Անշանի թագավոր: Անտիկ հե-

¹⁴ J. H a n s m a n. Elamites, Achaemenians and Anshan, p. 120.

¹⁵ E. H e r z f e l d. The Persian Empire, p. 186.

¹⁶ R. K e n t. Old Persian. Grammar. Texts. Lexicon. 2nd ed., New Haven, 1953, p. 125; “Les inscriptions de la Perse achéménide”, traduit du vieux perse, de l’élamite, du babylonien et de l’araméen, présenté et annoté par Pierre Lecoq, Paris, 1997, p. 202; F. M a l b r a n - L a b a t. La version akkadienne de l’inscription trilingue de Darius á Behistun. Roma, 1994, p. 100; “The Bisitun Inscription of Darius the Great”, Aramaic Version, Corpus Inscriptionum Iranicarum, Part I, Inscriptions of Ancient Iran. London, 1982, p. 36.

¹⁷ М. А. Д а н д а м а е в. К вопросу о династии Ахеменидов.– «Палестинский сборник», вып. 5. Л., 1960, с. 3–21; D. S t r o n a c h. Նշվ. հոդվ., էջ 248:

¹⁸ Mesopotamian Chronicles, by J.–J. Glassner, Society of Biblical Literature. Atlanta, 2004, p. 234.

¹⁹ Ctesias’ History of Persia: Tales of the Orient, translated with commentaries by Ll. Llewellyn-Jones and J. Robson. London, New York, 2010, pp. 167–170. Մ. թ. ա. 550 թ. Աստղուզեսին հաղթելուց հետո Կյուրոս Մեծը կառուցում է Պասարգադայի պալատը: Պասարգադայի [հին պարսկերեն Pâthagâda (տե՛ս Ll. Llewellyn-Jones. The Achaemenid Empire, p. 68)] ավերակները գտնվում են Շիրազից մոտ 96 կմ հյուսիս (տե՛ս J. H a n s m a n. Elamites, Achaemenians and Anshan, p. 109):

²⁰ The Babyloniaca of Berossus, by S. M. Burstein, Sources and Monographs: Sources from the Ancient Near East, vol. 1, Fascicle 5, Malibu, 1978, p. 28.

ղինակներին անձանոթ է Անշան անվանումը: Այս առումով պետք է մերժել այն թյուր տեսակետը, թե Կյուրոս Բ Մեծը միայն մ. թ. ա. 550 թվականին Աստյուազեսին հաղթելուց հետո է գրավել Պարսան, քանի որ վերջինս ի սկզբանե Կյուրոսի երկիրն էր²¹:

Ջ. Քամերոնից սկսած՝ որոշ ուսումնասիրողներ ենթադրել են, որ Կյուրոս Ա-ն - թագավորել է Անշանում և Պարսումաշում, իսկ Արիարամյան ու Արշամյան՝ Պարսայում, փաստորեն, Պարսումաշը և Պարսան համարելով տարբեր երկրներ²²: Մակայն այս տեսակետն իրավացիորեն մերժվել է հայտնի պատմաբան Բ. Պյանկովի կողմից, քանի որ, ըստ նրա, Պարսումաշը և Պարսան միևնույն երկիրն են²³: Մյուս կողմից էլ՝ վերջինս Անշանը չի նույնացնում Պարսային՝ այն տեղադրելով Էլամի ու Պարսայի միջև: Նրա կարծիքով, այդ երկիրը տեղադրվում է բախտիարների բնակության տարածքում, որտեղ անտիկ աղբյուրները հիշատակում են մարդերուքերին: Ինչևէ, Բ. Պյանկովը քաղաքական առումով Անշանը և Պարսան նույնացնում է, սակայն այդ երկրները համարում է աշխարհագրական տարբեր հասկացություններ²⁴:

Ստորև տեսնենք, թե անտիկ աղբյուրներում ինչ տեղեկություններ կան Աքեմենյան դարաշրջանի Պարսայի մասին: Այսպես, Հերոդոտոսը հայտնում է, որ Դարեհի հայրը՝ Հյուստասպեսը, Պարսայի հյուպարքոսն էր²⁵, սակայն Բեհիսթունի արձանագրությունում Հյուստասպեսը կամ Վշտասպը հիշատակվում է որպես Պարթևքի և Վրկանի սատրապ²⁶: Ամեն դեպքում Հերոդոտոսի տեղեկությունը հետաքրքիր է այն առումով, որ Պարսան համարվել է առանձին սատրապություն: Համաձայն Պոմպեոս Տրոգուսի՝ Կյուրոս Մեծի ժամանակ Պարսայի կառավարիչն էր Մյուրաբիսը²⁷, ինչը խոսում է Պարսայի վարչական միավոր լինելու մասին: Արիանոսի տեղեկություններից պարզ է դառնում, որ Ալեքսանդր Մակեդոնացու Պարսա ներ-

²¹ М. А. Д а н д а м а е в. Политическая история Ахеменидской державы, с. 9.

²² G. G. C a m e r o n. History of Early Iran. Chicago, 1936, pp. 212, 223. Հմմտ. J. H a n s m a n. Elamites, Achaemenians and Anshan, p. 109.

²³ И. В. П ъ я н к о в. Борьба Кира II с Астиагом по данным античных авторов. – «Вестник древней истории» (այսուհետև՝ ВДИ), 1971, № 3, с. 32.

²⁴ Նույն տեղում, էջ 33:

²⁵ Հ եր ո դ ո տ ո ս. Պատմություն ինը գրքից (այսուհետև՝ Հ եր ո դ ո տ ո ս), թարգմ. Ս. Կրկյաշարյանի, Երևան, 1986, III, 70:

²⁶ R. K e n t. Նշվ. աշխ., էջ 122, J. M. C o o k. The Rise of the Achaemenids and Establishment of their Empire. – “The Cambridge History of Iran”, vol. 2, ed. by I. Gershevitch, Cambridge, 1985, p. 217.

²⁷ Justin, Cornelius Nepos, and Eutropius, literally translated, with notes and a general index by J. S. Watson. London, 1853, I, 7, p. 9; տե՛ս նաև B. J a c o b s. Die Satrapienverwaltung im Perserreich zur Zeit Darius' III. Wiesbaden, 1994, S. 195.

խուժելու ժամանակ վերջինիս սատրապն էր Արիոբարզանեսը²⁸: Պերսեպոլիսը և Պասարգադան գրավելուց հետո Ալեքսանդրը Պարսայի սատրապ նշանակեց Թրասաորտոսին²⁹: Ռուփոսի տեղեկություններից նույնպես տեղեկանում ենք, որ Պարսան համարվել է սատրապություն: Ռուփոսը Պասարգադքի (հավանաբար, տեղանվան էլամական անվանաձևն է՝ Բատրակատաշ³⁰) սատրապ է հիշատակում Օրսինին³¹, այսինքն՝ սատրապությունը նշվում է կենտրոնի անունով: Մակեդոնացի աշխարհակալի մահից հետո Պարսան շարունակում էր մնալ սատրապություն³²:

Ստրաբոնի նկարագրությունից պարզվում է, որ Պարսային արևելքում սահմանակից էր Կարմանիան³³, արևմուտքում՝ Սուսիանան³⁴, հյուսիսում՝ Մարաստանը³⁵, իսկ հարավում հասնում էր Պարսից ծոց³⁶: Ըստ էության, Ստրաբոնի Կոլլեպերսիսը³⁷՝ Խորին Պերսիսը, ընդգրկել է Պասարգադայի և Պերսեպոլիսի շրջանը, այսինքն՝ Աքեմենյանների բուն հայրենիքը:

Բեհիսթունի և այլ արձանագրություններում Պարսան առաջինն է հիշատակվում Աքեմենյան տերության մեջ մտնող երկրների շարքում³⁸: Դարեհ Ա-ի համար Պարսան ապստամբ երկիր էր, ինչպես՝ Էլամը, Մարաստանը, Ասորեստանը և

²⁸ Arrian. *Anabasis Alexandri*, with an English translation by E. Iliff Robson, vol. I-II. Cambridge-Massachusetts-London, 1967, III, 18, 2, p. 280.

²⁹ Նույն տեղում, 10–11, էջ 284:

³⁰ R. H a l l o c k. *Persepolis Fortification Tablets*. Chicago, 1969, p. 676.

³¹ Ռուփոս. *Ալեքսանդր Մակեդոնացու պատմությունը*. – *Ալեքսանդր Մակեդոնացի, Երևան, 1987, էջ 573*:

³² Diodori Bibliotheca Historica, ed. L. Dindorfius, vol. III, Lipsiae, 1826, XVIII, 6, p. 232.

³³ Հմմտ. P l i n y. *Natural History*, vol. II, with an English translation by H. Rackham. Cambridge-Massachusetts-London, 1947, VI, 111, p. 422; *Տե՛ս նաև* Г. М. Бонгард - Левин, М. Д. Бухарин, А. А. Вигасин. *Индия и античный мир*. М., 2002, с. 285–286).

³⁴ Ըստ Պլինիոս Ավագի՝ Պարսայի արևմտյան սահմանը հասել է մինչև Միտակենե (P l i n y. *Natural History*, vol. I, with an English translation by H. Rackham. Cambridge-Massachusetts-London, 1967, II, 237, p. 362; *հմմտ.* C. M u l l e r. *Fragmenta Historicorum Graecorum*, vol. I. Parisiis, 1841, Hecat., fr. 184, p. 12), այսինքն՝ աշխարհագետը Սուսիանան ներառում է Պարսի մեջ:

³⁵ Պարսայի՝ Մարաստանի հետ սահմանի քննարկումը տե՛ս Հ. Խոբրիկյան. *Աքեմենյան Պարսկաստանի մարական սատրապության տարածքը և սահմանները*. – *Մերձավոր և Միջին Արևելքի երկրներ և ժողովուրդներ*, հ. XXX, Երևան, 2016, էջ 68–69:

³⁶ С т р а б о н. *География в 17 книгах (այսուհետև՝ С т р а б о н)*, перевод, статья и комментарии Г. Стратановского. Л., 1964, с. 675–676, 690.

³⁷ *The Geography of Strabo*, vol. VII, Books 15–16, with an English translation by H. L. Jones. Cambridge-Massachusetts-London, 1930, XV, 3, 6, p. 164.

³⁸ R. K e n t. *Նշվ. աշխ.*, էջ 117, 145, 155:

այլն³⁹: Դարեհի այլ արձանագրություններում Պարսան չի հիշատակվում հպատակ երկրների շարքում, և Աքեմենյան թագավորը թվարկում է Պարսայից դուրս գտնվող ենթակա երկրները⁴⁰: Ըստ Քսերքսեսի արձանագրության՝ Պարսան հպատակ երկրների շարքում չէ⁴¹: Հարկավ, այս հանգամանքով ընդգծվում էր Պարսայի՝ որպես Աքեմենյան տերության ոստանի նշանակությունը: Դարեհ Ա-ի՝ Պերսեպոլիսի արձանագրություններից մեկում (DPe) ուշագրավ է արքայի այն հայտարարությունը, որ Աքեմենյան տիրակալը պարսկական ժողովրդի հետ տիրում է թվարկվող նվաճված երկրներին⁴²: Անկասկած, Աքեմենյան պետության վարչական բաժանման համակարգում Պարսա-Պարսքը վարչական առանձին միավոր էր, իսկ պարսիկները տիրապետող ժողովրդի իրավունքով պետք է եթե ոչ ամբողջությամբ, ապա գոնե մասամբ ապահարկ լինեին մյուս հպատակ ժողովուրդների համեմատությամբ: Հետևաբար, Հերոդոտոսի այն տեղեկությունը, թե Պարսան ապահարկ էր⁴³, այնքան էլ իրականությունը չի համապատասխանում⁴⁴: Տերությունում պարսիկների տիրապետող դիրքի մասին վկայում է նաև Քսերքսեսի՝ Հելլադա արշավող բանակի կազմում նրանց առաջինը հիշատակվելը⁴⁵:

Մ. թ. ա. 522–521 թթ. ապստամբ Պարսան լուրջ խնդիրներ ստեղծեց Դարեհ Ա-ի համար⁴⁶: Նրա խոսքերից կարելի է եզրակացնել, որ Պարսան ամբողջությամբ չէր ապստամբել, քանի որ արքայի ենթակայության տակ կար պարսկական զորք՝ պարսիկ զորավարի հրամանատարությամբ⁴⁷: Դարեհ Ա-ի դեմ Պարսայում երկրորդ անգամ Գաուսատայից հետո ապստամբում է Վահյազդատա անունով մեկը, ով իրեն հռչակում է թագավոր՝ ներկայանալով որպես Կյուրոսի որդի Բարդիա: Ըստ Բեհիսթունի արձանագրության՝ Պարսայի բանակն անցնում է Վահյազդատայի կողմը՝ դավաճանելով Դարեհ Ա-ին⁴⁸: Ամենայն հավանականությամբ, ապս-

³⁹ Նույն տեղում, էջ 121:

⁴⁰ Նույն տեղում, էջ 136–137, 141:

⁴¹ Նույն տեղում, էջ 151:

⁴² Նույն տեղում, էջ 136, R. Schmitt. Die altpersischen Inschriften der Achaimeniden. Wiesbaden, 2009, SS. 117–118.

⁴³ Herodotus. with an English translation by A. D. Godley, vol. II, Books III–IV. Cambridge-Massachusetts-London, 1928, III, 97, p. 124. *ԺՄՄ*: Ch. Tuplin. The Administration of the Achaemenid Empire.– Coinage and Administration in the Athenian and Persian Empires. – “The Ninth Oxford Symposium on Coinage and Monetary History”, Oxford, 1987, p. 138.

⁴⁴ J. M. Cook. *Նշվ. աշխ.*, էջ 241:

⁴⁵ *Հեռոդոտոս, IV, 61*:

⁴⁶ М. А. Д а н д а м а е в. Иран при первых Ахеменидах. М., 1963, с. 263–264; Ն ու յ ն ի Վ о с с т а н и е Вахъяздаты (Из истории народных движений в древней Персии).– ВДИ, 1960, № 1, с. 11–20.

⁴⁷ М. А. Д а н д а м а е в. Иран при первых Ахеменидах, с. 264–266.

⁴⁸ R. Kent. *Նշվ. աշխ.*, էջ 125–126:

տամբությունը սկսվել էր մայրաքաղաք Պասարգադայից, սակայն Դարեհ Ա-ին հավատարիմ մնացած պարսկամարական բանակը՝ պարսիկ Արտավարդիայի գլխավորությամբ, Պարսայի Ռախսա քաղաքի մոտ պարտության է մատնում Վահյազդատային: Վերջինս երկրորդ անգամ պարտություն կրելուց հետո գերեվարվում ու սպանվում է Պարսայի Հուվադայչայա քաղաքում⁴⁹, հավանաբար, Պարսայի արևելյան շրջանում⁵⁰:

Պարսայի էթնիկական կազմի մասին կարևոր են Հերոդոտոսի տեղեկությունները: Հույն հեղինակը հայտնում է, որ պարսկական գլխավոր ցեղերը պասարգադները⁵¹, մարափները, մասպերն են, որոնցից առաջիններին էր պատկանում Աքեմենյանների հզոր տոհմը՝ տեղադրվելով Պասարգադայի շրջանում⁵²: Հերոդոտոսը հիշատակում է նաև պարսկական այլ ցեղերի, որոնցից պանթիալայները, դերուսիները, գերմանիները հողագործներ էին, իսկ դայերը, մարդերը⁵³, դրոպիկները (=դերբիկներ⁵⁴) և սագարտիները՝ վաչկատուն⁵⁵: Մարափները⁵⁶ եղել են, Աքեմենյանների տոհմի հին ճյուղը, մասպերի անունը ծագում է արիմասպների էթնանունից⁵⁷ կամ նույնանում է Մասարատիկային⁵⁸, պանթիալայները կապում են ժամանակակից

⁴⁹ Նույն տեղում:

⁵⁰ М. А. Д а н д а м а е в. Иран при первых Ахеменидах, с. 187.

⁵¹ Պտղոմեոսը պասարգադներին սխալմամբ հիշատակում է Կարմանիայի ծովափնյա շրջանում (տե՛ս Claudii Ptolemaei Geographia, edidit C. F. A. Noebbe, t. II. Lipsiae, 1845, VI, 8, 12):

⁵² R. Frye. The History of Ancient Iran. München, 1983, p. 89.

⁵³ Հավանաբար, մարդերի այն խումբն է, որը հիշատակվում է Արիանոսի կողմից (տե՛ս Г. М. Бонгард-Левин, М. Д. Бухарин, А. А. Вигасин. Նշվ. աշխ., էջ 286) և կապված է էլամական տեղանուն Մարդաշի հետ (տե՛ս D. T. Potts. Cyrus the Great and the Kingdom of Anshan, p. 23):

⁵⁴ E. Herzfeld. Zoroaster and His World, vol. II. Princeton, 1947, p. 729.

⁵⁵ Herodotus. with an English translation by A. D. Godley, vol. I, Books I–II. Cambridge–Massachusetts–London, 1975, I, 125, p. 164; A Commentary on Herodotus Books I–IV, ed. by O. Murray, A. Moreno. Oxford – New York, 2007, pp. 163–164. Քսենոփոնը, առանց պարսկական ցեղերի անունները նշելու, գրում է, որ այդ ցեղերը տասներկուսն էին (տե՛ս Xenophon. Cyropaedia, vol. I, with an English translation by W. Miller. Cambridge–Massachusetts–London, 1960, Loeb Classical Library, I, II, 5, p. 12):

⁵⁶ Հմմտ. Մարափիս անձնանունը էսքիլեսի մոտ (տե՛ս Э с х и л. Трагедии, в пер. В. Иванова. Персы, 788, с. 39. М., 1989):

⁵⁷ Մարափները և մասպերը Հելլանիկոսի մոտ ներկայանում են որպես Կյուրոս Մեծի եղբայրներ (տե՛ս C. Muller. Fragmenta Historicorum Graecorum. Hellenic., fr. 164, p. 68; J. Marquart. Untersuchungen zur Geschichte von Eran II.–“Philologus: Zeitschrift für das klassische Altertum”, Supplementband X/1. Leipzig, 1905, S. 137), այսինքն՝ ցեղերի անվանադիրներ:

⁵⁸ R. Frye. Նշվ. աշխ., էջ 89: Մասպերի անունը նաև ժամանակակից Լուրիստանի ցեղային անվանումն է (տե՛ս E. Herzfeld. Zoroaster and His World, vol. II, p. 729):

Ֆահլիյունի կամ Ֆահլիյանի հետ⁵⁹: Դերուսիների անվանումը ևս ունի պարսկական ծագում՝ «ժառ» կամ «երկարակյաց» նշանակությամբ⁶⁰: Հերոդոտոսի կողմից նշված ցեղերից առավել հավանական տեղադրություն ունեն և նույնանում են գերմանիները՝ կապվելով Կրմանի հետ⁶¹, որը Դարեհ Ա-ի վարչական վերափոխումներից հետո անջատվում է Պարսայից⁶²:

Պարսայի մասին խոսելիս անհրաժեշտ է նաև նշել, որ Պերսեպոլիս քաղաքի (Ժամանակակից Թախտ-ե Ջամշիդը) տեղական անվանումը եղել է Պարսա, որը պահպանվել է էլամական տնտեսական նշանակության վավերագրերում և Աքեմենյան մեկ արձանագրությունում: Սա նշանակում է, որ երկիրը, նրա ժողովուրդը և արքայական նստավայրը կոչվել են Պարսա, որի անունը հույները սխալմամբ տարածել են ամբողջ երկրի վրա՝ գրեթե ողջ Իրանն անվանելով Պերսիս, այսինքն՝ Պարսկաստան⁶³:

Այսպիսով, կատարված քննությունը ցույց է տալիս, որ Պարսան կարելի է համարել Աքեմենյան տերության թիվ մեկ սատրապությունը, որն օգտվում էր որոշակի արտոնություններից: Ամեն դեպքում, Պարսայի էթնիկական կազմի ուսումնասիրությունը վկայում է, որ Աքեմենյանների բուն ոստանը տարածվում էր Պասար-

⁵⁹ Պանթիալայների անունը փորձել են տեսնել Պևտինգերյան քարտեզի Պանթունեն կայարանի (տե՛ս J. Marquart. Նշվ. աշխ., էջ 80), Անանուն Ռավեննացու Պաթիենաս (տե՛ս Ravennatis Anonymi Cosmographia, ed. M. Pinder et Parthey, Berolini, 1860, II, 5, 7, p. 52) անվանումների մեջ և տեղադրել ներկայիս Միրջան քաղաքի մոտ (տե՛ս J. M. Cook. Նշվ. աշխ., էջ 238): Նկատենք, որ Ֆահլիյունի կամ Ֆահլիյանի տարածքում տեղադրվում են Ստրաբոնի պատիսիստրները (տե՛ս Страбон, с. 675), որոնք համապատասխանում են հին պարսկական Pātišvaris-ին. բառացի՝ «լեռան արևոտ կողմի երկրի ժողովուրդ կամ մարդիկ», կամ էլ՝ «դեպի արևն ընկած» (տե՛ս A. Bahadori. Achaemenid Empire. Tribal Confederations of Southwestern Persia and Seven Families. – “Iranian Studies”, vol. 50, № 2, pp. 1–25): Մեր կարծիքով պանթիալայներն ու պատիսիստրները նույն ցեղն էր:

⁶⁰ J. Marquart. Նշվ. աշխ., էջ 90–91, E. Herzfeld. The Persian Empire, p. 298. Դերուսիները նույնացվել են Գեդրոսիա երկրի հետ (տե՛ս В. В. Бартольд. Сочинения, т. VII. М., 1971, с. 140, 150, 268), ինչը բացատրված չէ, եթե նկատի ունենանք, որ տեղի է ունեցել ցեղային տեղաշարժ:

⁶¹ E. Herzfeld. Նշվ. աշխ., էջ 298: Տե՛ս նաև A. T. Olmstead. Նշվ. աշխ., էջ 34; В. В. Бартольд. Նշվ. աշխ., էջ 140, 150, 268: Մնացած ցեղերի մասին տե՛ս И. В. Пьянков. Борьба Кира II с Астиагом по данным античных авторов, с. 26–27.

⁶² The Babyloniaca of Berossus, p. 28; C. Muller. Fragmenta Historicorum Graecorum. vol. II. Parisiis, 1848, Beros., fr. 14, p. 508; Josephus: The Life. Against Apion, with an English translation by H. St. J. Thackeray, vol. I. London-New York, 1926, I, 153, p. 222; E. Herzfeld. Zoroaster and His World, vol. II, p. 732.

⁶³ М. Дандамаев. Ахеменидская империя: социально-административное устройство и культурные достижения. СПб., 2013, с. 214–215.

գաղափարի և Պերսեպոլիսի շրջաններում, ընդ որում՝ Պարսայի ցեղային միավորման օրինակով էր կազմված տերության վարչական բաժանման համակարգը:

ПАРСА В АДМИНИСТРАТИВНОЙ СИСТЕМЕ АХЕМЕНИДСКОЙ ПЕРСИИ

ОГАННЕС ХОРИКЯН

Резюме

Колыбелью династии Ахеменидов была древнеперсидская Парса. Сведения античных и клинописных источников свидетельствуют, что Аншан и Парса идентичны. В ахеменидскую эпоху Парсу можно считать одной из сатрапий империи, однако ахеменидские цари вместе с персидским народом правили над покоренными странами. Парса в системе Ахеменидского государственного административного деления была отдельной единицей, а персы по праву доминирующего народа, если не полностью, то по крайней мере частично были свободны от податей, по сравнению с другими покоренными народами.

PARSA IN THE ADMINISTRATIVE SYSTEM OF ACHAEMENID PERSIA

HOVHANNES KHORIKYAN

Summary

Old Persian Parsa was Achaemenid dynasty cradle. Cuneiform and ancient sources' accounts prove that Anshan and Parsa are identical. In Achaemenid era Parsa can be considered one of the Satrapies of the Empire, but the Achaemenid kings occupied the conquered countries together with the Persians. Parsa was a separate administrative unit in Achaemenid administrative division system, and the Persians, having the right of the ruling nation, were dwelled frees from taxes if not wholly, then partially in comparison with other subject nations.